

UNIVERZITET U SARAJEVU - ELEKTROTEHNIČKI FAKULTET
ETIČKI ODBOR UNIVERZITETA U SARAJEVU - ELEKTROTEHNIČKOG FAKULTETA
Broj: 13-5257/25
Sarajevo, 13.11. 2025. godine

DOSTAVLJA SE:

- [REDACTED]
- Etički savjet Univerziteta u Sarajevu
- Vijeće Univerziteta u Sarajevu - Elektrotehničkog fakulteta

PREDMET: Zahtjev za davanje mišljenja o usklađenosti djelovanja ili ponašanja s načelima i pravilima Etičkog kodeksa Univerziteta u Sarajevu (br. 01-38-1696-1/12 od 27.06.2012. godine, br. 01-14-192/21 od 29.09.2021. godine i br. 01-9-14/25 od 16.07.2025. godine)

VEZA: Zahtjev [REDACTED] za ispitivanje povrede etičkog kodeksa i zloupotrebe akademskih sloboda [REDACTED] na predmetu Metode i primjene vještačke inteligencije (br. 13-4305/25 od 06.10.2025. godine)

Etički odbor Univerziteta u Sarajevu - Elektrotehničkog fakulteta (u daljem tekstu: "EO ETF") je održao sastanak dana 13.11.2025. godine na kojima je razmatran: Zahtjev za ispitivanje povrede etičkog kodeksa i zloupotrebe akademskih sloboda [REDACTED] na predmetu Metode i primjene vještačke inteligencije, koji je uputio [REDACTED] (u daljem tekstu: "Zahtjev"). Zahtjev je protokolisan pod brojem 13-4305/25 dana 06.10.2025. godine. Zahtjev se odnosi na ispitivanje zloupotrebe akademskih sloboda od strane [REDACTED] radi utvrđivanja prekoračenja ovlaštenja u cilju manipulacije studentskim statusima i ocjenama, kao i kršenja Etičkog kodeksa Univerziteta u Sarajevu i zakona navedenih u Zahtjevu, te poduzimanja odgovarajućih mjera. Uz obrazac Zahtjeva, Imenovani je dostavio i dodatnu dokumentaciju uključujući Rješenje Kantonalne uprave za inspekcijske poslove, Inspektorat prosvjetne inspekcije (br. UP-1-14-12-34-13824/25-12/09 od 29.08.2025. godine).

MIŠLJENJE

U Zahtjevu je traženo mišljenje EO ETF o kršenju člana 7. (*Načelo jednakosti i pravednosti*), 9. (*Načelo profesionalnosti*), 15. (*Profesionalne dužnosti u nastavi*), 26. (*Odgovornost prema univerzitetskoj zajednici*) Etičkog Kodeksa Univerziteta u Sarajevu i člana 20. stav 1. i 2. Statuta Univerziteta u Sarajevu.

Na osnovu Zahtjeva i dostavljenih Očitovanja od strane [REDACTED], (br. 4891/25 od 23.10.2025. godine), kao i [REDACTED] (br. 4892/25 od 23.10.2025. godine), EO ETF-a je mišljenja da nije u njegovoj ingerenciji da odlučuje o zahtjevima koje podnose osobe koje nemaju status zaposelnih kao ni studenata.

Naime, prema članu 150. stav (3) i (5) Zakona o visokom obrazovanju Kantona Sarajevo ("Službene novine Kantona Sarajevo", br. 36/22 i 28/25), kojim se uređuju status, prava i obaveze studenata i nastavnog osoblja, status studenta odnosi se isključivo na osobe koje su upisane i aktivne u I, II ili III ciklusu studija. Provjerom u Službi za nastavu i rad sa studentima Univerziteta u Sarajevu - Elektrotehničkog fakulteta, utvrđeno je da je Imenovani dana 03.10.2025. godine završio II ciklus studija, te mu je, u skladu sa članom 199. stav (a) Statuta Univerziteta u Sarajevu (br. 01-14-35-1/23 od 26.07.2023. godine), od toga dana prestao status studenta. Dakle, u skladu sa odredbama

Zakona i Statuta, EO ETF je mišljenja da podneseni Zahtjev ne može biti predmet razmatranja, jer je isti podnesen od strane osobe koja u trenutku podnošenja nije bila u statusu studenta.

Ističemo i činjenicu da su eventualne nepravilnosti vezane za kvalitet nastave, a koje su navedene u Zahtjevu [REDACTED] već bile predmet postupanja Kantonalne uprave za inspekcijske poslove, Inspektorat prosvjetne inspekcije, koja je donijela odgovarajuće Rješenje (br. UP-1-14-12-34-13824/25-12/09 od 29.08.2025. godine).

Mišljenje je jednoglasno (6 glasova ZA) usvojeno na sastanku održanom 13.11.2025. godine.

U skladu sa članom 33. Etičkog kodeksa Univerziteta u Sarajevu (br. 01-38-1696-1/12 od 27.06.2025. godine, br. 01-14-192/25 od 29.09.2025. godine i br. 01-9-14/25 od 16.07.2025. godine), mišljenje će biti objavljeno na web stranici Univerziteta u Sarajevu - Elektrotehničkog fakulteta, bez navođenja ličnih podataka.

Članovi Etičkog odbora

[REDACTED]
Prof. dr. Samir Avdaković, predsjednik

[REDACTED]
Prof. dr. Bakir Lačević, član

[REDACTED]
Prof. dr. Dženana Đonko, član

[REDACTED]
Prof. dr. Pamela Niemčević, član

[REDACTED]
Nejra Alfirević Fočo, dipl. pravnik, član

[REDACTED]
Mirza Čatić, student Prodekan - član